



ხელშეკრულება სახელმწიფო შესყიდვის შესახებ N21-40

ქ. თბილისი

2021 წ.

ერთი მხრივ, სსიპ „საგანგებო სიტუაციების კოორდინაციისა და გადაუდებელი დახმარების ცენტრი“, შემდგომში „შემსყიდველი“, წარმოდგენილი მისი დირექტორის ალექსანდრე კალანდიას სახით და მეორე მხრივ, შპს „უნიმედი“ (ს/კ:404901834), შემდგომში „მიმწოდებელი“, წარმოდგენილი მისი დირექტორის ზაზა გელიშვილის სახით, ორივე ერთად წოდებული, როგორც „მხარეები“, საქართველოს მოქმედი კანონმდებლობის, „სახელმწიფო შესყიდვების შესახებ“ საქართველოს კანონის 10¹ მუხლის პირველი პუნქტის, ამავე კანონის 16¹ მუხლის პირველი პუნქტის, ასევე „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების მე-15 მუხლის პირველი პუნქტის და 33-ე მუხლის მე-5 პუნქტის შესაბამისად, ვდებთ წინამდებარე ხელშეკრულებას შემდეგზე:

1. ტერმინთა განმარტებები

„ხელშეკრულებაში“ გამოყენებულ ტერმინებს აქვს შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) – „შემსყიდველს“ და „მიმწოდებელს“ შორის დადებული „ხელშეკრულება“, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში მინიშნებებია;
- 1.2. „ხელშეკრულების ღირებულება“ – თანხა, რომლის გადახდის ვალდებულება ეკისრება „შემსყიდველს“ „მიმწოდებლის“ მიერ „ხელშეკრულებით“ ნაკისრი ვალდებულებ(ებ)ის სრული და ზედმიწევნით შესრულებისთვის;
- 1.3. „შემსყიდველი“ – ორგანიზაცია, რომელიც ახორციელებს შესყიდვას;
- 1.4. „მიმწოდებელი“ – პირი, რომელიც ახორციელებს „საქონლის“ მიწოდებას „ხელშეკრულების“ პირობების შესაბამისად;
- 1.5. „მხარეები“ – „შემსყიდველი“, რომელიც ახორციელებს შესყიდვას და „მიმწოდებელი“, რომელიც ახორციელებს „საქონლის“ მიწოდებას, „ხელშეკრულების“ პირობების გათვალისწინებით;
- 1.6. „საქონელი“ – „ხელშეკრულების“ მე-2 მუხლით გათვალისწინებული შესყიდვის ობიექტი;
- 1.7. „ტექნიკური დოკუმენტაცია“ – „მიმწოდებლის“ მიერ წარმოდგენილი ტექნიკური დოკუმენტაცია და ფასების ცხრილი, რომელიც შეესაბამება სატენდერო დოკუმენტაციით გათვალისწინებულ მოთხოვნებს, წარმოადგენს „ხელშეკრულების“ განუყოფელ ნაწილს და რომლის ნამდვილობაზეც პასუხს აგებს „მიმწოდებელი“ საქართველოს მოქმედი კანონმდებლობის შესაბამისად;
- 1.8. „ინსპექტირება“ – „ხელშეკრულების“ პირობების შესრულების კონტროლი და ზედამხედველობა;

2. ხელშეკრულების საგანი

- 2.1. სსიპ „საგანგებო სიტუაციების კოორდინაციისა და გადაუდებელი დახმარების ცენტრის“ მიერ მედიკამენტების ჩასალაგებელი მყარი გასაშლელი ყუთების (CPV44617000) ელექტრონული ტენდერის (NAT210005420) საშუალებით შესყიდვა.
- 2.2. „საქონლის“ დეტალური აღწერა, რაოდენობა, ტექნიკური მახასიათებლები და ღირებულება, რომელიც „მიმწოდებლის“ მიერ წარმოდგენილია ელექტრონულ ტენდერში (NAT210005420), თან ერთვის „ხელშეკრულებას“ დანართის სახით, რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

- 3.1. „ხელშეკრულების“ ღირებულება შეადგენს **12700,00 (თორმეტი ათას შვიდასი) ლარს**.
- 3.2. „ხელშეკრულების“ საერთო ღირებულება მოიცავს „მიმწოდებლის“ მიერ „ხელშეკრულებით“ ნაკისრი ვალდებულებების შესრულებასთან დაკავშირებულ „მიმწოდებლის“ ყველა ხარჯს და საქართველოს კანონმდებლობით გათვალისწინებულ გადასახადებს.

4. საქონლის მიწოდების პირობები:

საქონლის მიწოდების ვადა:

5. შესყიდვის ობიექტის მიწოდება უნდა განხორციელდეს ხელშეკრულების გაფორმებიდან 30 კალენდარული დღის განმავლობაში.

6. საქონლის მიწოდების ადგილი:



6.1. საქონლის მიწოდება ხორციელდება შემდეგ მისამართზე: თბილისი, აკ. წერეთლის გამზ. N121.

7. საქონლის მიღება-ჩაბარების წესი

7.1. შემსყიდველის მხრიდან საქონლის მიღებასა და მიღება-ჩაბარების აქტის ხელმოწერაზე უფლებამოსილი პირი არის - ლოგისტიკის დეპარტამენტის ლოგისტიკის და სამეურნეო სამმართველოს უფროსი.

8. ანგარიშსწორება

8.1. „საქონლის“ ღირებულების ანაზღაურება მოხდება უნაღდო ანგარიშსწორებით, ეროვნულ ვალუტა - ლარში.

8.2. ანგარიშსწორება „შემსყიდველის“ მიერ მოხდება „საქონლის“ მიწოდების თაობაზე მხარეთა შორის შესაბამისი მიღება-ჩაბარების აქტ(ებ)ის გაფორმებიდან და „მიმწოდებლის“ მიერ საქართველოს კანონმდებლობით გათვალისწინებული შესაბამისი საგადასახადო დოკუმენტაციის წარდგენიდან არაუგვიანეს 10 (ათი) სამუშაო დღის განმავლობაში.

8.3. მიღება-ჩაბარების აქტ(ებ)ის გაფორმებასთან ერთად, „მიმწოდებელი“ ვალდებულია წარმოუდგინოს „შემსყიდველს“ საქართველოს კანონმდებლობით გათვალისწინებული შესაბამისი საგადასახადო დოკუმენტაცია, წინააღმდეგ შემთხვევაში, „შემსყიდველს“ უფლება აქვს უარი თქვას ანგარიშსწორებაზე.

9. მხარეთა ვალდებულებები და უფლებები

9.1. „მიმწოდებელი“ ვალდებულია:

9.2. უზრუნველყოს „შემსყიდველისთვის“ ხარისხიანი „საქონლის“ მიწოდება დროულად;

9.3. უზრუნველყოს „შემსყიდველის“ მიერ ინსპექტირებისას გამოვლენილი დეფექტების და ნაკლოვანებების აღმოფხვრა დაუყოვნებლივ, საკუთარი ხარჯით.

9.4. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

9.5. „ხელშეკრულების“ გაფორმების შემდეგ „მიმწოდებელს“ არ აქვს უფლება „ხელშეკრულებით“ ნაკისრი ვალდებულებები განახორციელოს ქვეკონტრაქტორის მეშვეობით „შემსყიდველის“ წინასწარი წერილობითი თანხმობის გარეშე, ამასთანავე, „მიმწოდებელს“ უფლება არ აქვს მთლიანად ან ნაწილობრივ, „შემსყიდველის“ წერილობითი თანხმობის გარეშე, გადასცეს მესამე პირს „ხელშეკრულებით“ მისთვის მინიჭებული უფლება-მოვალეობანი.

9.6. „შემსყიდველი“ ვალდებულია:

9.7. მოახდინოს ანგარიშსწორება „მიმწოდებელთან“ ხელშეკრულების პირობების შესაბამისად.

9.8. მხარეთა უფლება

9.9. „მიმწოდებელს“ უფლება აქვს:

9.10. „ხელშეკრულების“ ფარგლებში მოითხოვოს დროული და სრული დაფინანსება.

9.11. „შემსყიდველს“ უფლება აქვს:

9.12. ცალმხრივად შეწყვიტოს ხელშეკრულების მოქმედება იმ შემთხვევაში, თუ „მიმწოდებელი“ ვერ უზრუნველყოფს ხელშეკრულებით ნაკისრი ვალდებულებების ჯეროვან შესრულებას. ხელშეკრულება ცალმხრივად შეწყვეტილად ითვლება, აღნიშნულის შესახებ, მიმწოდებლისადმი გაგზავნილ წერილობით შეტყობინებაში მითითებული ვადიდან.

10. ხელშეკრულების ინსპექტირება

10.1. „შემსყიდველი“ უფლებამოსილია ნებისმიერ დროს განახორციელოს „მიმწოდებლის“ მიერ „ხელშეკრულების“ შესრულების ინსპექტირება, რისთვისაც გამოყოფს უფლებამოსილ პირ(ებ)ს, ხოლო „მიმწოდებელი“ ვალდებულია ხელი შეუწყოს მას/მათ ინსპექტირების განხორციელებაში.

10.2. საჭიროების შემთხვევაში, ხელშეკრულებით გათვალისწინებული მომსახურების ინსპექტირებას განახორციელებს: ხელშეკრულების 7.1 პუნქტში მითითებული პირი.

10.3. ინსპექტირების განამახორციელებელი პირ(ებ)ის უფლება-მოვალეობები:

10.4. „მიმწოდებლის“ მიერ „ხელშეკრულებით“ ნაკისრი ვალდებულებების ხარისხისა და მიწოდების ვადების „ხელშეკრულების“ მოთხოვნებთან შესაბამისობის დადგენის მიზნით, სათანადო კონტროლის/ზედამხედველობის განხორციელება და აღნიშნულის თაობაზე შესაბამისი ინსპექტირების დასკვნის მომზადება.



11. ფორს-მაჟორი

11.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

11.2. ამ ხელშეკრულებაში „ფორს-მაჟორი“ ნიშნავს მხარეებისთვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველის“ ან/და „მიმწოდებლის“ შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და „საქონლის“ მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

11.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

12. ხელშეკრულების პირობების გადასინჯვა

12.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია წინასწარ. ამავე დროს „შემსყიდველი“ არ არის ვალდებული წარუდგინოს „მიმწოდებელს“ რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

12.2. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

12.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების საერთო ღირებულების 10%-ზე მეტი ოდენობით გაზრდა.

12.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად.

13. ხელშეკრულების პირობების შეუსრულებლობა

13.1. ხელშეკრულებით ნაკისრი ვალდებულებების შეუსრულებლობის, არაჯეროვნად შესრულების ან/ და შესრულების ვადების გადაცდენის შემთხვევაში „მხარეებს“ ეკისრება „პირგასამტეხლო“ შეუსრულებელი ვალდებულების 0.2%-ის ოდენობით, ყოველ ვადაგადაცილებულ კალენდარულ დღეზე გაანგარიშებით.

13.2. „პირგასამტეხლოს“ გადახდა უნდა განხორციელდეს „მხარის“ მიერ მეორე „მხარისადმი“ გაგზავნილ შესაბამის წერილში მითითებული ვადიდან არაუგვიანეს 15 (თხუთმეტი) კალენდარული დღის განმავლობაში.

13.3. საჯარიმო სანქციების გადახდა „მხარეებს“ არ ათავისუფლებს ძირითადი ვალდებულებების შესრულებისაგან.

13.4. იმ შემთხვევაში თუ „მიმწოდებელზე“ დაკისრებული პირგასამტეხლოს ჯამური თანხა გადაჭარბებს „ხელშეკრულების“ ღირებულების 10%-ს, „შემსყიდველი“ უფლებამოსილია შეწყვიტოს „ხელშეკრულება“ და მოსთხოვოს „მიმწოდებელს“ შესაბამისი პირგასამტეხლოს გადახდა.

14. სადაო საკითხების გადაწყვეტა

14.1. „შემსყიდველმა“ და „მიმწოდებელმა“ ყველა ღონე უნდა იხმარონ, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, რომელიც წარმოიშობა ხელშეკრულების პირობების შესრულებასთან დაკავშირებით.



15. ხელშეკრულების შეწყვეტა

15.1. „შემსყიდველი“ უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან საქართველოს კანონმდებლობით დადგენილ სხვა შემთხვევებში.

15.2. „ხელშეკრულების“ ცალკეული პირობების მოქმედების შეწყვეტა არ ათავისუფლებს „მიმწოდებელს“ ხელშეკრულებით განსაზღვრული ვალდებულებების შესრულებისაგან.

15.3. „ხელშეკრულება“ აგრეთვე შეიძლება შეწყდეს მხარეთა წერილობითი შეთანხმების საფუძველზე.

16. ხელშეკრულების შესრულება

16.1. „ხელშეკრულება“ შესრულებულად ჩაითვლება „შემსყიდველის“ მიერ „ხელშეკრულების“ მე-8 მუხლით გათვალისწინებული პირობების შესრულების შემდეგ.

17. ხელშეკრულების მოქმედების ვადა

17.1. წინამდებარე „ხელშეკრულება“ ძალაში შედის მხარეთა მიერ ხელმოწერისთანავე.

17.2. „ხელშეკრულების“ მოქმედების ვადა განისაზღვრება 2021 წლის 30 ივნისის ჩათვლით.

18. მხარეთა რეკვიზიტები

„შემსყიდველი“

სსიპ „საგანგებო სიტუაციების კოორდინაციისა და გადაუდებელი დახმარების ცენტრი“

ს/კ: 205307960

იურიდიული მისამართი:

ქ. თბილისი, აკ.წერეთლის გამზ. N144

ფაქტიური მისამართი:

ქ. თბილისი, აკ.წერეთლის გამზ. N121

დაფინანსების წყარო:

სახელმწიფო ბიუჯეტი;

საბანკო რეკვიზიტები:

ხაზინის ერთიანი ანგარიში

ბანკის კოდი - TRESGE22

შიდა ანგარიში - 200122900

სახაზინო კოდი - 2703030701

დირექტორი

ალექსანდრე კალანდია

„მიმწოდებელი“

შპს „უნიმედი“

მის: ქ. თბილისი, შ. გოგობის 1

ტელ: 296 92 15

ს/კ: 404901834

ელექტ. მისამ: info@unimedi.ge

სს სს "თბილისი ბანკი"

ბანკის კოდი: TBCBG322

ა/ა: GE50TB7732736080100001

დირექტორი

ზაზა გელიშვილი

დასახელება	მახასიათებელი	შესყიდვის ობიექტის წარმოშობის ქვეყანა, მწარმოებელი კომპანია და მოდელი	რაოდენო ბა (ცალი)	ერთეულის ღირებულებ ა (ლარი)	მთლიანი ღირებულებ ა (ლარი)
მყარი გასაშლელი ყუთი მედიკამენტების მოსათავსებლად	ზომები: 48.5 X 25.5 X 25.8 სმ (დაკეტილ მდგომარეობაში). მასალა: პლასტმასი. ყუთის გახსნისას იარუსებად იშლება ორი თარო. თაროების ბორტის სიმაღლე გარედან 3.5სმ. ზედა (პირველი) თაროს სივრცე ტიხრებით დაყოფილია 6 დანაყოფით, ხოლო ქვედა (მეორე) თარო დაყოფილია 11 დანაყოფით. ყუთის ძირის სიმაღლე 12 სმ, განყოფილებების გარეშე. თავსახურს ზედაპირზე აქვს 2 დამოუკიდებელი განყოფილება, რომლებიც იხურება. თითოეული 6 დანაყოფით.	AsrinPlastik, თურქეთი, ASR-2068	400	31.75	12,700.00